

No. 110
No. Rare Book Dept. Q.405.90
The Public Library of the City of Boston.

FREDERICK
SPIEGELBERG

EX
LIBRIS
NATHAN
COMFORT
STARR

Haec 15730

Regius, Augustus. De eloquio veritate
et philologia est tractatus in forma

libri, Roma. 

Brescia: Bernardino Lucenti, 1796

Vogues/Masbani's *Metallurgy*

Russia, 1896

Ham 15430

Imator 4035

Only one other copy in America [Henry
Wells] according to Wright

CMasei uegii laudenlis dialogus ueritatis & philalites ad eustachiū fratrem. Incipit feliciter Philalites.



Vanam est tu mortalium: quæ per uasta hæc montium inaccessa; aliis uagaris loca? Ve. Parce me mortalem appellare: quæ diuino magis ex semine procreata sum. Phi. Diuinum ē ne numen tibi? Ve. Vtiq;. Phi. Quānā ergo tu cælestium es? dic mihi. Ve. Etsi mille iterum mihi ingruant tormenta: nūquam tamen meum subicebo nomen. Phi.

Quid tormenta narras? aut quid est: quod propter me extimescas? q lādere neq; sciui quem piam unquam: neq; plane uolui: effare age nomen tuū. Veri. Athletheā grai: ueritatem me latini uocant. Phi. Tu ne ueritas filia temporis? Ve. Illa ipsa sum: sed alio tamen ex parente orta. Phi. audiueram equidem quosdam credentes te ex tempore genitam. Ve. Audire potuisti facile: fuerunt enim certe: qui ita crediderint neq; inepta fuit eorum ratio credendi: nam cum sub aperto semper aere degam neq; tegar unquam latebrisq; unquam ullis obcludar si tegi tamen aut obcludi per uim forte contingat: tanta sum harum (qua cernis) allarū pernicitate: tantaque corporis agilitate & aptitudine ut necubi multum latere: a nulloque diutius celari possim: quæ proinde nuda sum ut uides: & nullo unquam amictu cōtecta: qua ducti illi ratione: quæ ueri satis similis esse uidetur: putauerunt me eo patre generatam: qui omnia: quantumcunq; occultissime agatur: de egit tandem aliquando: atq; manifestat. Verum ut indubitatum patrem meū intelligas: (audisti in unquā magnū olympi rectorē ex cerebro genuisse sapientiā: illam uocant pallada: hæc mihi soror) ille mihi parens edita sum: ego eodem partu: eodem semine tantaq; est duarum sororū inter se uolendi ac sentiendi paritas: tanta uultus faciei q; similitudo: ut utram nostrū uideris: dicas nihil in nobis preter nōiū appellationē: differre. Phi. O faustum hūc mihi diem meliorēq; lapillo mirandum: quo, tādē uidere te mihi contigit: cuius uidēdā incredibili iandiu desyderio flagrabā: propeq; tabescebam: per quaste non quesui urbes? per quos non uicos & oppida? quibus non anxius erraui siluis dū te querito: quibus non montibus: quibus non inuiis & uastis locis: ut quā te unā animo menteq; gerebā: intueri saltē aliquādo possem olatū me hodie & pbeatū: q quā nō inueni quāsi tā totiēs repire tādē insperatus casus dedit: sed tu dic agnoscis ne me Ve. Haud agnosco te. Phi. Tuū ne Philalithen quo nō ē altera māior tui. Ve. Tu ne philalites meus. Phi. philalites. Ve. Quā popatū offers te mihi: quā te nō minore uidēdi desyderio quāsi ubiq; gētiū quo tiēs inuocaui nomē tuū atq; inclamaui putauerā te ciuitates colere frequētē esse inter cōuentus hoium Sperauerā tibi magnū esse ac celebre nomē in populis: sed qbus nūc uideo te errātē in asperis atq; de

fertis locis: squalore oblitum: horridum ueste: sordidulum: pallidulum: incomptum: soliuagum: incogitum: despectum: quod mirum si nullo tibi: dum ubique te uocarem: exaudiebar? Oletam non mirus me hodie & perbeatam? cui uocatum te antea toties post longa tandem mala mea inopinatus hic dies atque locus obtulit. Sed cur (ediffere mihi) tam incultus es: & ueste lacer? tam squalidus & abiectus? cur hac habitas: quæ præ horrore feræ etiâ loca refugerent? Edifferam tibi: ut libet. sed imprimis: quandoquidem miserabilior tua conditio: mea uidetur: expone mihi: cur tantistū confecta uulncribus: tantoque cruore conspersa: atque foedata: cuius olim tam eximiam formam acceperam atque liberalem: cuius ex ore candidiorem sole etiam splendorem scintillare prædicabant: cuius frons neque hilarior: neque tristior? cuius aspectus: neque deiectus humilior: neque profusus licentius: neque euectus altius. sed reuerenda quadam & formidabili quasi maiestate conditus ferebatur. Vbi nunc decor ille longe lætus. Longeque charites etiâ ipsas exuperans? Vbi nunc tanta illa formæ dignitas simulacris omnibus emendatior? Vbi uenustas oris & elegantia? Vbi capillorum rutilatio? candor corporis? honor oculorum & gratia? cur imutata nunc omnia? deformata? conspurcata? coinquinata? Quinam (dic mihi) ita te undique confoderunt? Quinam etiam ita crudeliter affecerunt? ut nullam uideam sine uulnere: sineque cruore uel minimam corporis partem? Ve. Longum factura essem sermonem si malorum meorum seriem omnem explicare uellem. quod ad auctores tamen pertinet: possum eos breui uerbo tibi significare. Mortales scilicet: a quibus tantum in modum uulnerata: atque cruentata sum. Phi Mortales ergo tibi tantorum malorum auctores? Ve. Mortales. Phi. Quasi diuinabam. Nam eorum improbitas satis mihi ac super manifesta est: quos etiam præ infinita scelerum suorum turba: ita sum aspernatus: ita dedignatus: ut non modo a domestica eorum consuetudine: sed ab aspectu in super me abstulerim: satius ducens mihi existimansque dulcius in his uastis solitudinibus uitam agere cum hac uili ac trita ueste: cum tugurio uel minimo: quo uentos arceam: capere tenues cibos. lymphas habere in deliciis quam summa cum omnium diuitiarum atque dignitatum affluentia uersari inter tot portenta flagitiorum: quibus ad summum usque omnia referta sunt mortalium tecta. Quæ cum neque oculis conspicerem: neque cogitatione prope sustinere possem? id factum est: cuius causam a me quærebas. ut tam incultus & squalidus elegerim hec horrentia magis loca inhabitare. Sed tu (oro): enarra mihi atque a principio repete causas malorum tuorum: quas uti magna cum attentione: ita non sine graui dolore auditurus sum. Veri. Accepisti ne unquam ullas celestis uirgines ab optimo maximoque parente meo ad mortales demissas fuisse. Philalites. Hocce cupio intelligere. Ve. Demissa iam pridem con

cordia demissa pax: demissa iustitia: & item pudicitia: demissæ innu-
merabiles alię eximia specie cādentiq; pudore uirgines: despectæ ue-
ro a mortalibus omnes: ludificatæ: profugatæ: et per totum orbem
turpiter exagitatæ: ac demum: unde uenerant: regressę sunt. Demisit
me postremo amantissimus mortalium parens meus. Ratus pro-
pter maiorem: quam præfero uultus mei reuerentiam: & dignitatē
non tam grauis modo me iniurias excepturam: sed honori insuper
magno ac uenerationi apud illos futuram: & siquid erat: quo pro-
pter me augeretur: id unum erat: excellentia forme: corporisq; nudi-
tas: quæ eum cogeant obscenas atq; impuras aliquorum: siquas
offendissem: manus uereri. Quam uero longe cogitationē euentus fe-
sellit? Quam uero alia crudelitatis magis quam obscenitatis facino-
ra extimescenda erāt. Quæ tot ac tanta quidem sustinui: ut cum au-
dieris: præ immanitate uix illa tibi credibilia uideantur. Philalites. Ni
fallor equidem intelligere uideor. præcipuos inter cæteros mortales
tanti sceleris reos. Ve. Quos? Philalites. Circulatores: & uanos quos-
dam nouarum artium ostentatores: qui uel fucatis herbarum conci-
nationibus: uel fictarum imaginum gesticulationibus illudunt maxi-
me rudi popello quibus nihil est ueritate alienum magis atq; in cogni-
tum. Ve. Parum uel nihil habeo: quo istos accussem nam ludunt ma-
gis quam ledunt eorum artes. Philalites. Mimii ergo te læserunt: & hi-
striones: qui: quos uolunt: hominum gestus & uoces ipsi effingere &
ementiri possunt. Ve. Et hi minus quam superiores: nam offendunt
neminem unquam: delectant autem quemq; iocis & salibus suis. Phi-
lalites. At credo manus tibi intulerint: qui imposturam faciunt: conā-
tes uim nature inferre: dum ignobiliore metallorum materias in-
præciosiores uertere atq; adulterare uanis artibus suis contendunt:
ut uel ditescant magis: uel quæ non prodest: artem superstitioso quo-
dam studio: magis inuestigent. Ve. Deploranda sunt aliunde grauius
uulnera mea: quāquam & non nihil: (fateor:) me leserint hi imposto-
res: sed puniuntur satis stultitia sua. Nam delusi tandem: impositiq; su-
is per semet impositionibus: redigi solent ad summam calamitatem.
Philalites. Leſerunt ne te forsitan aruspices & astrologi? ceteriq;
qui diuinationem aliquam profitentur: qui uarios uitę mortisq; euen-
tus prænuntiantes: tunc falluntur maxime: cum certius ueriusq; euen-
tuum aliquid se intellixisse arbitrantur: Ve. Neq; horum ullam in
me iniuriam queror: nam quo absconditam magis futurarum re-
rum rationem aperire: atq; notam possint efficere: elaborant plu-
rimum & insudant. Qui si minus: quod conati sunt: exequuntur:
ad scribendum id magis est debiliore ingenii neruis ac uiribus
quam prauitati ulli: ac malignitati. Philalites. At cogor etiam

de philosophis male suspicari : qui cum abstrusa quæque nature scrutari: morumque rationes fundare contendant tot cōtrarias inter se excitant lites: explicitasque nōdū cōcertationes: ut nulli adhuc certa eorū: quæ tradūt ueritatis uia patefiat. Ve. Inocētissimas & hi quoque ab iniuria mea manus hūnt. quæ & si falsa opinantes sepius magnis irretiātur erroribus: inuestigādi tñ ueri una oīum ac par ē intētio. Ad quod pro suo quisque captu diuersa ducitur opinionū uia. Phi. Qui tādem restāt: qui tantis te affecerint malis? nisi gerrarū ineptiarū que pleni logici? qui mendaciis semper & cauillationibus certantes: nunc currentes sedere: nunc sedentes currere credi uolunt: nunc hoīes asinos: nunc asinos risibiles garriēdo adstruere conant. Ve. Haud istud quidem dixeris. Nam præcipui ipsi ante oēs quos memorasti ueri cultores sunt: cuius querēdi indagandique gratia preponunt tales quas si quasdam ambituunculas deliramentorūque imagines: sed solida est eorum uis atque arguta: neque gerrarum (ut inquis) & ineptiarum plena. Phi. Credo oīa: ut narras: Nā nunc in mētem ueniunt certissimi oībus quenotissimi hostes tui. Ve. Et quā? dic obsecro. Phi. Quis nesciat? poetæ confictis nescio quibus ac fabularum portentis totū orbē impleuisse. Ve. Quæ indigna audio? Phi. Cur indigna? nā nullū ē mortalium gen⁹: a quo magis quā ab his uenerata aucta: illustrataque sim. Cur ergo uulgo fertur poetæ omnia fingere & ementiri? Ve. Cur & multa alia uulgo feruntur uana: stulta: mendacioraque iis: quorum in simulant poetæ? Quod quont corticem rerum: ut aiunt tantum intelligent: ea etiam tantum diiudicant: quæ oculis exterius apparentia intuentur. Sed ad cognoscendas magnas arduasque res oportet latentēs celatasque eorum: quæ dicuntur rationes introspeculari: pensareque uim omnium castigato longe ac perpenso examine iudicii? ad quod penetrandum nullo hebetis & crassi uulgi uis: quantumlibet magna: & acris sufficere potest. Philalites. Et quid in se habent poetarum carmina: quod lateat uerum: fidele: magnificum: dignumque ueneratione? Ve. Quicquid uel ad intelligēdas regum ac populorum res gestas pertinet? uel ad cognoscenda archana nature: morumque & uitæ salubria instituta conducit. Nam a nullius sapientie professore melius quam a poeta: diuersorum temporum ac locorum uicos situs & gesta scribuntur neque philosophi nature morumque rationes melius neque astronomi cæli astrorumque uim ac meatus doctius: neque musici uocum numeros & concentus elegantius: neque ceterarum quicque suarum artium præcepta fidelius? quam poetæ tradūt atque ideo excellenti quadam denonnatione poetæ: quod idem est ac factores appellati sunt. Qua in re non pauci se deceperunt. qui cum uix pinguem quendam ac iudicio satis suo resonantem canorem: sillabarum etiam debitam proportionem uersibus suis expresserunt: actutum se eliconis aquas plenis facibus haussisse: atque in summum pernasicacumen ascendisse arbitrati sunt. Et quum cunctis in discipulis

cuiq; sua: & si mala: placere uideamus: mirum tamen est: quam in poetis maxime id uitio datum sit: ut ingenio quisq; suo blandiatur: ut inepto quamuis deferat quisq; carmini suo: ac tribuat multum: ut nemo non musam suam: ac ueluti simia gnatum suum caripédât: laudet atq; intentius admiretur. At per necessaria est ad instruendum carmē Longa rerum cognitio? Longaq; auctorum & quidem eruditorum. lectio Longus & inundans quasi quidam litterarum fluuius: qui abundanter suppeditet tanta: quæ dicenda poete incumbunt. Petenda sunt: peruestigandaq; diligenter nata quæq; & propria atq; rebus suis cognata uocabula. Aduocandæ sunt nō plebeæ aut seruiles (ut ita dicam) sententiæ. Sed quæ a uulgi fece segregatæ. nitido quodam decore ac uenerabili sui maiestate resplendeāt. Sed præter hæc quod maius restat? Opus est grandi & prompto atq; acri ingenio. q̃ cogitationes suas facile exprimere expolite ordiri luculenter narrare queat. q̃ uerba sententiæq; sciat artificiose uersare: uarie: distinguere aperte continuare: q̃ castigatè conciniterq; eloqui: moderari auribus & pro rei cuiusq; dignitate sublimiter: preesse: concitate: temperate omnia prosequi possit. Quæ cuncta quoniam arduum & difficillimum assequi est? ideo qui boni probatiq; poetæ extiterunt: rari quidē ac phœnicis instar in luce prodierunt. Sūtq; eorum ingenia diuini magis muneris q̃ humanarum uirium: qui cum tot ligati constrictiq; sint uocū ac mensurarum legibus: tot uocati differendis uariis rebus & disciplinis: haud facile illis esset omnia perpetuo sæliciq; stilo cōplecti: nisi ad iuuante instiganteq; dei miro assensu ac spiraculo: atq; domestico cōtubernio: calescenteq; diuini spiritus igni quodam: ac deflagrante magis incendio. Quos idcirco etiam furore repleti: & debacchante quasi quopiam proluuiō spiritus circūactos futura sæpius predicere manifestum est. Nam postq̃ dulcis illa flamma concaluit. mox uillescere humana: propiora uero fieri & sapere diuina incipiūt. Tū rapitur mēs corporei sui q̃si ergastuli oblita: agiturque tanq̃ cælo uaga & libera: fruiturq; deliciis prophano uulgo incognitis. Quas & si non gustu certo: at imagine saltem: & odore quodam: cuius suauitudo facile nunq̃ explicari posset: attingit. Proinde quoq; licentior est causa poetarum. Quod ueluti reges atq; imperatores: quas uolunt: sibi litterarias leges rogant: exempti a communi: qua cæteri coartantur: gramatica simul & historica necessitate: inde fit: ut qui liberiorē eorum terminos: officiiq; sui laxiores habenas ignorant? mirentur: accusentq; tantam: quā fingendi quæq; sibi licentiam uendicarunt. Sed si intelligerent diuersum longe ab historicis cæterisq; scriptoribus eorum officiū: cognoscerentq; diuinam mentis ipsorū concitationē: qua succensi magnosq;

quasi præcipientes impetu rapiuntur: non accusarent modo: sed comederent insuper maxime uelatas: quas ipsi intexunt figuras: rerūq; figmenta. Nam quom carmen non sine furore mentis diuinoq; afflatu exprimi possit: occupatum haud esse conuenit poetam in uulgaribus quibuscq; ac minutis rebus: sed excellentem & cum deo fabulantē: atq; io cantem spiritum necesse est liberum agi. Et res gestas non historici more: cuius pedellre magis ac seruile est officium: ita explicare ut sub instrumento publico & fide testium tabellionisq; auctoritate claudi uideantur. Verum sicut uaticinantes & apolline pleni solent: oportet rē quāq; ita (ut est) ueram expromere: expromptamq; non tamen cum nuda & rudi simplicitate apertam ostentare: sed cum uariis decorisq; ueilamentis tortuosis figurationibus obliquisq; traductionibus inuoluere: atq; per dulces fabulososq; quasi quoidam ambitus & ambages tradere magnarum rerum ueritatem: quo festiuiorē sit illustrata acquirat sermonis uenustatem & leporem cultūq; decentiorem. Festiuorq; taliter ac decentior facta: summis tantum & præstantibus ingenii peripsecta innoteat: crassis uero & deiectis qualibus iners totū abū delectat uulgi ignota penitus atq; abstrusa delitescat. Puduit siquidē poetam tam præciosam suppellectilem suam omnibus passim: nisi lectis & perfectis iri tractabilem atq; domesticam. Hinc est: unde in ualuit anquando uana ea quorumdam inscitia: q; cum tantū: quod oculis subiectum habent: intelligant ausi sunt: tam mistico poetarum artificio calūniā inferre: mendaces eos & falsos appellantes propter blādas: quas commenti sunt & prurientes fabulas. Nescientes uero poetici officii modum. Cuius non tam proprium est sanctis prodesse exemplis & inuitutis: q; diuicibus insuper oblectare uerborum in uolueris & figuris. Quibus ueritatem rerūq; magnitudinem: non quod falso ipsi putant: obtenebrarunt: aut diminuerunt: sed exornarūt magis digniorem ac relucentiorem reddiderunt. Phi. Magna de poetis narras. Ve. Et quæ magna: & quæ uera sunt narro. Phi. Et quæ uera ego quoq; esse puto. Sed expone tu mihi: qui te ita cruentauerunt. Ve. Exponā tibi ex ordine. Quā primum enim iussu omniū magni parentis descendere interras. Libuit priusq; conuenirem mortales: inuisere inferna loca. Vbi quanto honore ab omnibus illius regni incolis suscepta: nudaq; a nudis ipsi hospitata: non possem facile ullo sermone comprehendere. Adeo me seueri & duri iudices: & pluton ipse magnus: cæteri q; omnes per libenter aduentantē uiderunt: uisamq; admirati reueritiq; maxime & uenerati sunt. Mox in mortalium orbē iter arripui: credēs & maiores longe ab iis honores assecuturam. Ita me uana decepit credulitas mea. Tum primos offendi ingentis bellatorum exercitus: cum multis munitissimis ad expugnandas ciuitates telis & machinis. Phi.

lalites. Nunc rem intelligo. Ipsi ergo illis suis te gladiis & hastis tam atrociter confoderunt. Veritas. Minime. & si enim infinita continue committant flagitia: nunc horum opes diripiant: nunc illos afficiant uulneribus: nunc alios iugulent mentiuntur tamen nunq̃. Philalites. Quonammodo? Ve. Nam non minus impudentia sunt eorum dicta: quam facta. Qui cum multa crudelissime rapacissimeq; faciant: non aliter tamen: ac fecerint: se uel fecisse uel futuros esse unquam cōfitentur. Philalites. Probe sed qui tandem dic: ita grauiter afflixerūt. Ve. Conspicata tum pelagus animo uersare cœpi: terras ne prius an maria inuiserem. Vicitq; sententia: ut ad minus frequentatas turbis undas me conuerterem. At uix illuc attigeram: conscenderamq; nauis: cum primum tunc aculeos malorum meorum experita: conspexi ibi tantam scelerum omnium turpitudinem: quātam nisi his ego oculis haussissem nullo unquam modo ante persuadere mihi potuissem horrendum dictum. Vidisses illico in me omnes impetu facto: correptis tot flagellare mali rudentibus: quibus caele contulæq; grauiter mihi scapulæ nigrorem adhuc: suum: atq; liuorem aperte testantur: tum ferire gubernaculis: clauis: antennis: arpagonibus: tonsillis: remis: cōtis: anthoris: tum iacere trocheas: portisculos: suppara: artemones: scalas: parastatas: trausta: tabulata: amplustria: summaq; etiam mali carthesia. Atq; his ego ita primis malis pulsata: cruoreq; non modico cōspersa præripui me inde ocius? petiiq; terras: tum ibi statim aspicio latam & apertam planitiem: patentis campos: saltus: uineas: prata: hortos: insudantesq; in his longo opere indomitos agricolas. Quos & si olim. Astræa: dum a mortalibus itidem emigrasset: postremo loco inuiserit: primo tamen ego conuenire statui: propter rudiores simplicioremq; ipsorum naturam: rata & pro inde humaniores obsequentioresq; ergame illos futuros esse. Concessi itaq; illuc. Contēplataq; eorum mores. uidi quæ uidere dolui: furta: rapinas: insultus: audaciā plurimaq; alia & grauissima scelera. Vix autem eos dulciter amiceq; salutaueram: cum stimulis primo: ac si bos uisa essem: me pungere: de hinc struas: burres: uomeres: aratra: dētes: iuga: rastros: hirpicesq; dentatos in me mittere egressi sunt: putatorias etiam falces: messoriasq; ac scenarias: tum percutere me cylindris: penniculis: tribulis: uannis: uentilabris: tum ligonibus: bipaliis: sarculis: bidentibus: rutris: fucinis: runconibus: rastellis: furcillis: palis perticis: cratibus: corbibus: quallis: Discessi ab eis tandem tam immaniter uulnerata: & in urbes tanquā intuitissimum diuersorium saluberrimumq; malorum meorum leuamen confugi. Cogitans uero quinam ex omnibus: qui urbes colerent modestiores essent atq; sanctiores. In animum induxi sacerdotes. Primum iter itaq; fuit mihi ad templa arasq; magnorum cælitum: Specu

lataq; itidem ibi diligenter mores: habitusq; sacerdotales: delectata
sum cæte primo eorum congressu. Nam decens suus erat habitus pa
riter & incessus. Deinde inuocato sepius dei adiutorio uel pro uiuen
tibus sanctam pacem: uel pro defunctis eternā requiem: uel pro uni
uersis ueniam & misericordiam implorantes: diuinas semper: laudes:
sublata uoce resonabant. Nonnulli etiā publice declamantes: nūc uir
tutes summa laude: nunc uicia graui accusatione prosequēbātur. atq;
ab his deterrebant: ad eas magnopere quemq; inuitabant. Placuit
mihi hæc exterior uitæ sue facies: præsertim: quod in dei optimi:
& maximi collaudatione: quo nihil potest fieri melius aut di
gnius: semper eos occupatos uidebam. Cupiensque in eorum: stri
ctiorem uenire familiaritatem introiui in cunctanter secretos etiam
ipforum thalamos. Vbi pretereo quæ uiderim singula exterioribus mi
nime interiora respondentia. Sed id saltem non omittam. q; attractā
tes frequenter lectitantesq; breues quosdam codices: a quorum bre
uitate nomen etiam illis consonū indiderunt: concitato quodā & pro
rupto oris motu ferebantur: bilbiētisq; instar amphore multa magis
quasi ob murmurabant q̄ proferebant. In quibus quantum coniectu
ra capere potui: diuinas: quas supra memorauī. preces atq; inuo
cationes faciebant. Sed neq; ego quæ dicerent facile accipiebam: neq;
ipsi (ut arbitror) plane intelligebant. Et si qua erant: quæ percipi pos
sent: ea tantum erant nescio quæ uerba bubatata: quæ magna cum la
biorum festinatione ac confusione perstrepebant: nec mora: magno
in me cum insultu proruerunt: correptisq; breuib; illis libellis suis a
deo mihi oculos colliserunt: atq; contuderunt: ut dextrum pene hunc
mihi: quem læsum adhuc uide si eruerint. Tum acerris: arulis: candela
bris: cereis: emunctoriis: lichinis: lampadibus: sacrisq; omnibus uasis:
atq; ipsis postremo: quæ summū cæli regem hominumq; liberatōrē
affixum sustinebāt. sacra: issimis crucibus: ita me insectati sunt: ut pro
pe tamen mihi dispereundū oīno esse putauerim. Sed aufugi inde ci
tius subiraſcens multū tā uanæ credulitati decepteq; de his opinionī
meæ. Egressa uero fores tēploꝝ: neq; uidēs ad quos me conferrē: euo
laui ī plateas uiasq; publicas. quot tūc mihi & quāta se palā obiecerūt
mercatorū: redēptorūq; piuria profonetarū inuolucra institorū frau
data negotia: numularioꝝ proſtituta lucra: publicanorū audaciſſima
scelera: quantæ artificum deceptiones: & deprauationes: quanta non
uirorum modo: sed & foeminarū atq; puerorum mentita uerba pa
riter & facta? quanti & horum fuci? quante nebula? Quorum quod
detestabilius ē: eo magis etiā idoles probatur: atq; magnū aliqd de se
undiq; emētiū uendentīūq; iter se uellamēta: atque mendacia quanta

polliceri prædicatur: quo mentiri magis ac saliere assuescunt: foeminae in me primæ iecerunt fusos: colos: uerticulos: glomera: metaxas li ciatoria: pensæ: radios: acus: calathos: thecas: tum gemmas lapillos: uniones: uiriolas: annulos: maures: armillas: cylindros: dextrana: li mulas: torques: catellas murenulas: perisceduias: zonas: semicinctia: mitras: anadeniata: discriminalia: tum mundum infinitum: pectines: di scernicula: calamistra: forpiculas: specula: matulas: olfactoriola: iuda riola: sculptoria: dentifricia: dentiscalpia: auriscalpia: atque innumera bilia: quæ magis etiam me læserunt: unguentaria uasa elegantio ris: quam necesse sit: forme caula parata. Post: puerorum ingens & conferta turba raptim me fustibus: ac saxis impetierunt. Tum popu li longa multitudo: ut hincinde concitata fugiebam. Atque ex omni ge nere artifices: quæ pro suo: quisque usu parata habebat instrumeta: ma gno cum furore in me miserunt milleque me in locis confoderunt. Vi disses uolitare lanionum: cetariorumque mensas: trape zephora: del phica: trutinas: pondera: ferramenta: hamos: uncas: reua. euerricula nassas: cultros macharas: dolabras. Coquorum pilorumque aena: ca cabos: chitropedes: urceos: truas: creagri uerua: craticulas: uelta: sartagines: patinas: ollas: fidelias: lebetes: mortaria: pilla: rudes: alueos: ca phas: mactras: labra: cribra: cola: pallas: bacilia. fusciniulas: forcipes: uncinos: scutellas: promulsidaria: parapsides: coclearia: quadras: iā ces: catinos: cauponum ciatos: scyphos: urceolos: ornophora: pate ras: obas: trullas calices: phialas: columbaria: amulas cantaros: alco phas: lagenas: cangios: aucones: cymbia: crateres: amphoras: cados: Pictorum pugilares: stilos: colores: penniculos: spongas: concas: cau teria. Sutorum forfices: acus: formas: mensuras: scalprios: subulas: mucrones: digitalia: calonumque ac omnis generis fabrorum forcipēs maleos: incudes: folles: secures: cuneos: fibulas: fellucas. uectes: trullas: cementarias: perpendicula: normas: regulas: amulles: modulos: circi nos: ternos: manphures: limas: cela: celtes: scalphina: terras: dolas: alci as: dolabras. Medicorum: Tonsorū: pigmentariorumque. Pelues: cu cumas: nouaculas: cotes: forpices: cucurbitulas: scalpellos: uolles: hamulos: modiolos: diocles: scaphia: matellas: pixides: piperatoria: mortariola: pistillos: rudiculas: quibus in me diu grauiusque ac gran dinis more uentibus: pene tandem deficere coepi: defecissemque peni tus: nisi noui & repentis hospitii melior me ipse recreasset. Nam ut ro tabar undique: & exagitabar: incerta mei ac anxia: nec quo diuertere tuum ullum conspiciens locum: ecce perueni forte ad fora publica. Vbi & mira intuens cum grauitate prætores: atque præsidēs: multam itidem togatorum: capitatorumque hominum turbam: qui uel iudi cabant: uel procurantes ipsi causas aliorum dicebant alicui sum pri mo eorum aspectu. Quorum cum facies: & uultus. tum lōgiores ma xime laxioresque toge: ac capitum tegumenta: magnam simul sapien tiam: & uite integritatem: moderationemque animi ostentabant. Ac

cessi ergo propius ad eos: existimans me de carybdi iam securum in portum applicuisse. Cum subito in circūseptam. latrantibus canibus scyllam uideo me delatam: ac præcipitatam. Nam quas ibi non audiui latrantium cauidicorum uoces? Quas non iudicantium ini-/ quas interlocutiones atq; diffinitiones? Quas non uidi pretorū ābitio- nes? Quas nō aduerti tabellionū: scribarūq; falsitates? Quos ēt cū pri- mo adiuissim tanq̃ humilioris icōditionis hoīes: mirū ut quantotius calamariis simul atq; graphiar isthecis: calamisq; ac attramētariis ua- sis scalpellis ēt: & cæteris scriptoriis ferramētis suis i os mihi oculosq; acriter insultauerunt. Mox acrius quoq; & impudentius proruere: in me ausi præsides: assessores: circūlatrantesq; undiq; illi scyllei canes tā longus: tamq; uenerabilis ac togatus ordo: atq; in me primo ungui- bus: de hinc dentibus crudelissime sæuientes dilaniarunt totum mihi atq; ubiq; corpus excederunt: quorum quotiens recordor caninam il- lam rabiem: morsus uenenatos: famemq; non minus titiano uulture ardentem & indomitam: contremisco totiens: destituorq; tota pene præ recordatione. Ita mihi penetrarūt ultimos etiam cordis recessus ut horum comparatione priora certe: quæ exceperam: quis amarissi- ma uulnera prope dulcescerent. At postq̃ defessi priusq̃ exaciati sunt malis meis liquere me tandem. Ego uero quantum uulnerum acerbi- tas magnitudoq; sinebānt: maturauī inde fugam. (& quæ unica tan- tum restabant loca) me contuli ad curias principum: atq; eorum: qui principibus assistebant: potentiorum hominum turbulentissima tur- ba. Neq; uero dicam: quæ passim ibi singula uiderim licentiora etiam: q̃ quæ supra recensui. Loquantur pro se conculcati pupilli: flentes ui- duæ: egentes prostrati: innocētes damnati: optimi quiq; accusati. pro- scripti mulctati. Illud tantum memorabo: quod pre indignatione re- rum tanta permota sum commiseratione: ut cum innumerabilibus iā corporis uulneribus ad exhalandam usq; ipsam animā confecta eē m maiore tamen cum dolore & anxietate tulerim nouum id animi uul- nus: quo per punctam transfixamq; incredibilis quēdam me tot ac ti- torum malorum pietas affecerat: tam grauis erat atq; miserabilis faci- es eorum: quæ cum uiderem non magno poteram sine horrore in- tueri. Miraris forte pietatem teneritatēq; animi mei. Sed miraberis. Longe magis furorem eorū. q̃ longo in me concitatoq; agmine qua- si debacchantes non ferro quidem me extinguere: (nam extingui ha- ud posse me ferro intelligebant) sed pugnīs: calcibus: saxisq; contude- re. strangulareq; laqueis: promptum certumq; mortis meæ genus ar- bitrati sunt: quo nec contenti contusam etiam & strangulatam rota- re demum per pedes ac quassare illidereq; terrę pro ui sua quisq; con- tenderunt. Quibus tantis malis affecta. (postq̃ non tam rabiem exa

rauerunt suam: quā extremum (siquid adhuc restabat) spiritum me
exhallasse crediderunt). eiecta sum in pomerium urbis tanquā uillissi-
mum cadauer depascendum canibus atq; feris alitibus ue. Sed quas
non inueni cunctis etiā hominibus mitiores feras & uolucres? Quid
referam quanto me studio & amore prosecuti sunt in primis canes. tū
corui & uultures: ceteręq; aues: etiam immaniores? Quam conglo-
bati cateruatim omnes assistentesq; mihi certabant: nunc hæc plaude-
re alis conqueri dulciter & condolere: purgare rostris uulnerum sa-
niem: nunc illi pedibus caudaq; blādiri lingere uulnera: plagasq; mul-
cere: donec quæ supererat adhuc scyntilla uitæ meæ coalescere redi-
req; sensim in ueterem flammā atq; restitui caput. Quid cum iam ua-
lentior facta inde secessissem? quid narrabo: quantam non canū mo-
do & alituū. Sed luporum: & urforum: tigrium leonum: omniq; ge-
neris ferarum experta sum mansuetudinem propeq; dixerim huma-
nitatem? Nam post longa: quæ sustinueram mala quū ex urbibus oīo
statuissem migrare in abdita loca: perrexi in siluas & nemora tāquā
securius in refugium uitæ meæ. Nec uero mea me fefellit opinio. Nā
quanta me prius homines affecerant iniuria: tanto postea me honore
siluestres feræ atq; alites a quibus tam amice suscepta sum: tam sedulo
semper & officiosē comitata: ut qui de hominibus ante credideram
uiderentur ipse humanos mores mutata utrinq; nātura sibi uendica-
se. De hinc uero capta desyderio (ut sit) plura uisendi: conscendi al-
tiora hæc collium atq; montium loca. In quibus & multos iam erra-
ui dies neq; mortalium quēquā adhuc offendi preter te. Cuius primo
aspectu offensa: non potui non timere memor eorum: quæ tibi retuli
a mortalibus sustinuisse: tum securū paulatim recepi animū: postquā
inter loquendum tam manifesta egregiæ uirtutis tuę ac demum amo-
ris signa demonstraſti. Quin maiorem in modū admirata fui in pri-
mo sermonis nostri congressu: q̃ te unicum ex omni mortalium tur-
ba inuenissem tam mitem: pium: rectum: tanquā singulari præditum
bonitate: sed philaliten postquā te meum esse intellexi: quem & præ-
cipuum & ante omnes unum ut inuiserem iusserat parens meus: con-
uersa sum illico ex admiratione in maiorem gratulationē: quæ te mi-
hi aliquando oblatum habuissem: ut quum ad patrem meum reuerte-
rim possim post longam reliquorum mortalium in me crudelitatem
atq; immanitatē: tui etiam unius summam uereq; ab illo mihi preun-
ciatam humanitatem pietatemq; refert. Phi. O quæ audio tristitia: di-
ra: infanda: execranda. O ferum: crudum: imane: barbarum: O impu-
dēs. O pestilens mortaliū genus. O quæ dehiscat uobis terra: depeat
q; tota charismate. O toleratissimū magnū tonatē. O fulmina qd ces-
sant sua. O immanes. O extinctas iam faces suas. O multa sic abiit

tanta uorago flagitiorū: tanta licentia. Ve. Noli tam grauius angustari: Philalites: satis ac super enim poenas dabūt miserrimi mortales: sine tantum ad parentem meum redeam: narremq; tam præclara: quæ tibi eorum benefacta memorauī: patientissimæ longe quidem sunt aures sibi: sed haud surde tamen. Sustinet diutius ille peccantes: quos puniat acrius tandem atq; castiget. Philalites O nisi iam pridem satis perspectam habuissē impuritātē hominum: quo unquam adduci modo potuissē: ut tanta: quæ uel uideo: crederem teterrimæ crudelitatis exempla? Ve. Pone iam questui modum. Philalites. Et pono quidem sed tu oro priusquam abscedas: dignare tantisper domum meam inuisere: quiescereque mecum: ut in prosperiorem ualitudinem restituta: tactam atra uulnerum a tæbe purgata: possis demū mundior. elegantiorq; parentem tuum conuenire. Ve. Immo præstat ita ut sum cruentatam abire ut manifestius impie: atem eorum præ oculis illi ponam. Philalites. Donato saltem mihi paucos dies: ut dulcissime præsentie tuæ fructu non omnino priuatus sim: Ve. Faxo ut uis. Philalites. Non ducam te in splendida ædificia lautasq; mēsas. Tuguriculum est mihi quod manibus ipse meis extruxi iuxta quoq; antrum nature solertiore manu fabricatum parro uxor comes uite meæ non cultiore quam ego amictu uestita: sed pudica: & sobria seruat domū Gnati quoq; persimiles mihi: sed nudi ita ut te quasi repræsentēt. Capellas tantum paucas possideo: quas circum hos quotidie ago montes: quæ & lactis nobis uberrima supeditant alimenta: pomis & nuciabus uescor potum aqua ministrat: mella aliquando mihi deliciae: Tū ubi nox aduentauit salientem propter fontem crepitantibusq; ex saxis dulci murmure deriuantem: fatigata membra compono. substratisq; arborum foliis capio somnū. Sed quod exuperat omnis delicatissimas dapes: & magnificēssimos apparatus ē mihi pax & quies perpetua Doli procul & fraudes nihil timoris: nihil odii: nihil insidiarū fida obsequitur uxor: dulces applaudūt gnati: audiunt: gaudent: rident: iocantur: lætusq; ego: hilarus: liber contentus minimis: uacuis molestiarum: securus omnium & ab omni prorsus anxietate atq; animi perturbatione exemptus ago. In has ego nisi forte fastidiis te accipiam opes meas: Ve. Minime fastidio: quas pactohi etiam arenis longe pluris faciendas puto: Phi. Eamus iam: nam aduersa perascit. Vides ubi sumant tecta? non multum absumus dicto citius illuc contēdemus. Veritas Atq; ego te sequor libens. Finis.

¶ Impressum Brixie per Bernardinum de misintis de. Papia anno. M.cccclxxxvi. die. xii. Maii.

N^o Q. 405.90



PURCHASED FROM THE INCOME OF THE
JOSIAH H. BENTON FUND

